

# TE TĀKE PĀPĀHO

## Broadcaster Levy

He herenga tō ngā kaipāho katoa, i raro anō i te ture Pāpāho 1989 (s30A), kia tuku pūrongo ā tau rātou ki te Mana Whanonga Kaipāho (MWK) hei whakpūmau i te pūtea katoa i whiwhi ai rātou. Ā, mehemea e hāngai an ētahi paearu ki taua kaipāho, me utu tāke pāpāho ki te MWK.

- [Puka Whakahoki Tāke \(PDF\)](#)
- [Puka Whakahoki Tāke \(Word\)](#)

## TATAURIA TŌU NA TĀKE

Mehemea ko te pūtea katoa i whiwhi ai koe kāore i **neke atu** i te \$500,000, ā kāti, kāore he **tāke hei utu māu**. Ko tāu noa iho me tuku ki te MWK tētahi whakahoki tāke me tētahi kapi o ōu na tauāki pūtea.

Mehemea ko te pūtea katoa i whiwhi ai koe ka neke atu i te \$500,000, ā kāti, hei tā taua ture **rā me utu tāke** koe ki te MWK (ka tatauria hei pūtea katoa x 0.00051). Ko te pūtea kāore i ahu mai i te pāpāho ki Aotearoa, ka taea te tango mai i mua i te taturanga o tōu tāke. Engari me whakapūmau te kaiarotake pūtea motuhake i tōu whakahoki tāke

## NGĀ TANGO HANGA MAI

Mehemea ka whiwhi pūtea koe, ka mutu, kāore tērā pūtea i ahu mai i te pāhotanga ki Aotearoa nei, ā kāti, ka tareka e koe te tango mai taua nama i tōu na pūtea i mua i te wā ka tatauria tōu na tāke. Mehemea kei te kerēme tangohanga koe, me mātua whakapūmau te kaiarotake pūtea motuhake i tōu whakahoki tāke. Tirohia te puka whakahoki tāke mō te whakamārama o te hātepe.

Ka taea te whakauru atu anō hoki ki ēnei tangohanga ko ētahi puna pūtea, pērā ki te moni

whakaranea, te moni mai rāwāhi me te moni mai i ētahi ngohe hāunga i te mahi pāpāho.

Ko te pūtea **e tika ana** kia tākehia (arā **kāore e taea te tango** mai) ko ngā mea pēnei:

- te whakatairanga hoko
- te tautoko ā pūtea
- ngā tāke ohauru
- he pūtea tautoko, he whakawhiwhinga pūtea rānei mai ngā tari kāwanatanga ki Aotearoa nei (ā motu, ā rohe rānei), tae noa ki ngā momo pūtea tūtohinga, te pūtea rānei e tautoko ana i ngā mahi whakahaere whānui. Hei tauira, ko te Māngai Pāho, ko Irirangi te Motu rānei, me ā rāua whakawhiwhinga pūtea. Kāore e taea te tango mai te katoa o ēnei momo pūtea mai i tōu whakahoki tāke.

Ko ngā pūtea tautoko, whakawhiwhinga pūtea rānei i **āta tautuhia** mō tētahi whakaaturanga **motuhake tonu**, tēnā pea ka taea te tango mai i tōu whakahoki tāke. Hei tauira, mehemea i whiwhi koe i tētahi whakawhiwhinga pūtea “wā-kotahi” \$20,000 hei hanga whakaaturanga āhuatanga wā poto noa, tēnā pea ka taea te tango mai tēnei mai i tōu whakahoki tāke.

## ME PĒHEA TE WHAKAOTI I TŌU WHAKAHOKI TĀKE

Me mātua whakakī tōu whakahoki tāke ki runga i te *Puka Whakahoki Tāke* ōkawa

- Me tuku ki te MWK i mua mai o te **31 Hōngongoi** ia tau
- Me hāngai ngā nama ki te tau-pūtea katahi tonu nei ka hipa

Tēnā koa, whakapā mai ki a mātou mehemea he pātai āu e pā ana ki ngā tāke nei. Ko to mātou nama waea kore-utu ko: **0800 366 996**, tuku imera mai rānei ki **levies@bsa.govt.nz**.

### HE KUPUTAKA:

**whakapūmau** – *certify*

**paearu** – *criteria*

**tatau(ria)** – *to calculate*

**tauākī pūtea** – *financial statement*

**hātepe** – *process*

**moni whakaranea** – *interest payment*

**tāke ohauru** – *subscription fees*

**pūtea tūtohinga** – *charter-type funding*

**tautu(hia)** – *specify*

**wā-kotahi** – *“one off”*

**whakaaturanga āhuatanga** – *feature segment*